VAI NANG LY KANGTHA TAPEN NAIRA NGA BO

Chris Oyakhilome, D.Sc., D.D

VAI NANG LY KANGTHA TAPEN NAIRA NGA BO

Chris Oyakhilome, D.Sc., D.D

All scripture quotations in this volume are from the King James Version of the Bible unless otherwise indicated. 2nd Edition. 2013

Fifth Printing, 2019

ISBN 978-978-51521-0-4 Copyright © 2006 LoveWorld Publishing

Published by: LoveWorld Publishing

3, Adebayo Akande Street, Oregun, Ikeja, Lagos, Nigeria.

Email: info@loveworldbooks.org Website: www.loveworldbooks.org

> email: info@loveworldbooks.org website: www.loveworldbooks.org

All rights reserved under International Copyright Law. Contents and/or cover may not be reproduced in whole or in part in any form without the express written permission of LoveWorld Publishing Ministry.

HAURA

١.	Nangmy Kypkyp	9
2.	Nang Ly kangtha Sa Palai Nai keung Ne	13
3.	Nang Ly Tameuh i Awm Nai Sai Phy Nga Nai Keung Ne	15
4.	Nang Teng y Tameuh i Hawi Nai Sai Awm	19
5.	Nang ly Hawi Naira y Tym Chum Nai Keung Ne	21
6.	Nang Ly Chai Naira Nga Chum Nai keung Ne	23
7.	NANG AI LY ANG VAWI TAKHRA VENG BO	25
8.	TAMEUH I PHAILO LY NANG THEUNG Y AWM	27
9.	Atlym Hai Nairachi Nang Teng y Tym Nai Khala Nang Ly	′
	Ati Amjy Sa Ai Mo?	29
10.	Ahawi Kangngymchi My Nang Ai Paleung Phra Hai Nai	
	KHALA Y NANG LY MANI AMJY SA AI MO?	37
11.	Cham Naira Hawi Rai Naira Tym Nai Khala y Ati Sa Ai M	lo?
12.	Nang Hawi Phailo Kachai	43
13.	NANG LY ACHURA YHM Y CHEI AI NAI AVO A?	49
		59

Ngai Rarai Nai Awi!

Nang ly Isu Krista ai paheng keung nanai ym baly, nang ly jawm naimy nga nai deungtasarei hengra i vui amotheu ai ngaw khyh.

Naibaly Kristian reita i leu meitang satang nang ai kang thui pi ai ngai aly ngai. Nang ly huni leu meitang y amkhaw iy, khawtyp naimy awm baly phailo mang y anglaw ai nai ne. Hini cha-iu y hawihai amtiu ba. Huni my ly nang theung y deungtasarei khaw hai nai athai pakym hai ai mang.

Tameuh my ly tau cheng nai phailo hawi Mymy ai pany nai molam thui pachai naichi ai nang teng y ang pei thai ai nai, chiu kang sa pi nai ne. Naibaly nang i pany naira mei am-eaung iy kangvang niu naimy, nang ai ang palau nai sai athang khai khyp naira manatanrei len na mo, nanai pany ai i, Krista y nang i vui jawm

naimy pei nai ati cheaungkhangchi ai pany thai ai nai py chiu kang sa pi nai ne.

Hini cha-iu ly Krista Isu y nang i kangtha awm nai sai sa amteaung thai ai nai ang sabawm ai mang. Hini cha-iu ai amtiu iy, leu meitang theung y niu thai ai i, Baibul cha-iu ai py nangmy kypkyp my amtiu thai ai nai ne.

Hini cha-iu theung y abawi nai satangchi ly nang i awm nai sai takhra hai iy, Tameuh i Leu Meitang y awm nai kamta mo mang i vui sa pi rym ai i, ang sabawm praw ai nanai kaym nai ne.

Nang teng y Tameuh teng i nang naira, amtheaung naira cheaungkhang tym hai sy, Isu i Amyn y chiu sa nai ne. Amen.

Rastor Chris Oyakhilome

NANGMY KYPKYP

Nang ly tlang mang y niu thai nai tleaung y ty-keh nai keung ne. Nang i niu nai, thai nai, kamui, kalum kathau, ngan tlang tleaung y py ty-keh nai ne. Nang theung y nang i tlang bomrei tleaung y lyh ai hawi nai len parai nai sai awm. Huni ly nang i phailo, ti y baly, nangmy kypkyp ne. Hini theung mang i khumi i molam 1 Petera 3:4 ra y Baibul my ang thui pi: "Paleung y heu nai awm nai sai ly leu anui nai hawi neaung hawi nai paleung, mawn pajau y nai

ateaung phai amthyp u; huni ly Tameuh i mei ka-niu y khri pa-rei vang teng nai ne."

Khumi ly tlang dei teu i py ni i phailo ly heng jo rai nai ne. Ni i phailo ly dei y rai khala i kamta heng jo nai ne. Khaileaung pri y tlang mang i atiti sa naichi tama vui teu i py takhrachi ly huni phailo y awm veangveang rai nai ne. Ni i tlang ly dei chum veng teu i py ni i phailo ly dei y rai khala i awm nai kamta awm rai nai ne.

Areng Isu Krista my Luka 16 ra y khumi leaungnyhrei i satang hawi pata pi nai sai thui pi nai ne. Naibaly leaungrei nai ly cheaung nai khumi Lazara ne. Hinira y thui ai ngai nai ly cheaung nai molam ny y, khumi kamawn ne teu i py paleung kahawi awm nai keung ne. Hunai y ni ly dei nai bo y Abraham i paleung tleaung y awm, napi. Hunai kamta pa-nyh i khumi py dei teang nai ne. Ni ly khaileaung pri y awm nai thym khala y khumi kanang leaungrei ne. Ni ly yhmtheaung nang nai khumi ne teu i py

paleung kahawi by y.

Naibaly ni ly tlang tem nai khala y ly, ni i tlang ai ly khaileang y up veng teu i py, ni ly ngari i nai Abraham i paleung tleaung y awm nai, Lazara ai khen angdeang iy, Lazara ai pany jo iy, Isu my thui pi nai sai dawn pajau nai ne. Huni ly niu veangveang ra nai sai amteng nai ne. Huni bo y ni ly Abraham teng y, "Pahen parai naimy kai ai atleu kyh," nanai a-eu bo. (ni ly leu katheu asai rai nai sai niu pajau ngaw khyh). Naibaly Abraham i pathang teang nai py ni ly thai nai ne. Huni ly ni i thai veangveang nai sai ne. Huni bo v ni ly tui ahai,napi. Naibaly ni ly tui ahai nai khyh cham y, ni i awm nai meingtym ly phui rawm nai veng. Hunai y ni ly, "Kai ai pahen ly, Lazara ly my i kiu pajeung kadeaung tui y padeung iy kai i palai padam ai nai ni ai pato kyh,"napi. Hini py ni i atiti avum nai molam pany nai sai amteng nai ne.

Ni i avum chum naichi ly awm jo nai veng.

Ni i ati cheaungkhang py tami pajau y. Ati mana nai mo nabaly, "Ni i amjo amnauchi teng y chei iy, satang kahawi thui pi ai nai, kadeichi theung i nai leaungrei ai pato pi kyh, nanai thui lawh nai ly. Khaileaung pri y ni i amjo amnau leaung pangrei awm rai nai i vui, "kadeichi theung i leaungrei mychi teng y chei baly, nichi uikhei ai mang," napi. Ni ly ati cheaungkhang pany veangveang nai sai ne.

Hini my ly, khumi i paleung phailo ly heng veangveang nai sai nang ai ang pany hai bo. Huni khyh ny y, khumi leaungrei ly kangtha tapen nai bo y, ni i avum tatang nai ly ni i paleung phailo ne.

2 Korinth 5;17-18 says,

" Huni deaungkho y ami py Krista y awm baly mymy ly kangtha lawn bo; atiti kangngymchi ly tama vui bo; khen cham, nichi ly kangtha lawn veng bo," ang napi. Ati cheaungkhang bawibawi ly vai Tameuh i saho y ne bebe. Tameuh my Isu Krista saho y, achi ai aly hai teang nai keung ne. Huni khyh ny y, aly nai satang kahawi kalop ai py achi teng y ang-au nai bo.

Nang Ly Kangtha Sa Palai Nai Keung Ne

Vai nang ly nang i heng nai molam Areng Isu Krista teng y a-au chum veng nai deaungkho y, Mymy ai nang i Areng hawi yhmkeung nanai palawn nai bo. Nang ly khumi kangngym ny y leang bo. Nang i tlang mang y takhra y teu i py, theung mang i khumi y ly kangtha sa palai nai keung ne. Hini molam Baibul my ang napi. Nang ly "kangtha y awm nai ka-tawm" ny y, nang ly sa palai naira y awm nai keung ne. Mana khala y py by vai y nai kangtha y awm

tatang nai bo (2 Korinth 5:17).

Nang ai ly khen hawi ai nai salo ryrei palum nai khyh ny y. Nang ly kangtha lawn tatang nai bo. Na i py nang ly theung mang y takhra nai sai ly angam mang y py awm nai sai takhra nai amteng nai ne sy. Kangtha tapen y rai khala y sam kadawi ne iy, huni sam ly kadawi y awm jo rai ai ngaw khyh. Nang i sa reng nai kalop, yhm dengtheung, saleaungchi hawi py amtawm jo ai nai ne. Na i py vai nang ly, vang teng nai mang y takhra vui nai, nang i theung mang i khumi ly kangtha sa palai nai, vang teng parai nai kangthachi amtym chum nai keung ne.

Nang Ly Tameuh I Awm Nai Sai Phy Nga Nai Keung Ne

Nang ly kangtha tapen nai keung ne nai deaungkho y Mymy i chapo chaniu lawn ai nai Tameuh my sa thai naira ang au nai ne (Johan 1:12). Tameuh i awm nai sai phy nga nai ly nang i khumi i phailo y ang pakun pi nai bo. Vai nang ly khumi kangtha lawn nai bo. Huni ly Mymy ai ym nai ami py Areng Isu Krista my sa pi rym nai Tameuh i awm nai sai phy nga nai bo. Huni ly khri pa-rei lyh ai awm parai nai veng! Hunai deaungkho y nang ly Tameuh i

awm nai sai phy nga nai keung lawn nai bo (2 Johan 1:3-4).

Tameuh ly vai nang i Ampo kypkyp ne. Ati mana nai mo? Huni ly tapen naira i dengdairei ka-thuirei lawn nai ne. Dawn cham, ui harei ly ui naini tapen teang khyh. Hunaibaly Johan 1:12-13 ra y ly, "Na i py Mymy ai kawn iy, mymy i amyn y ym nai ngiereichi ai ly Tameuh i chanau lawn thai ai nai ang pei; nichi ly thi i tapen nai py ny y, tlang i kangai y tapen nai py ny y, khumi i kangai y tapen nai py ny y, Tameuh i tapen nai teu" napi.

Mymy ly amhm ampo kypkyp kamta nang teng y awm hai nai ne. Nang ly Tameuh i yhm dengtheung leaungrei lawn nai bo. Hunai deaungkho y nang ly Tameuh awm nai, kani pri peang naira i chanau leaungrei py ne. Tameuh ly nang i vui ang sa pi. Tameuh ly tem pajau y nai nang parai nai kamta Krista Isu i saho y nang i ngai nai bawibawichi angym hai ai

nai ne (Philipi 4:19). Nang i heng nai molam Mymy teng y dawn rym nai sai awm nai ne. Huni ly nang i kangtha tapen nai neng khala y my Mymy sa pi rym nai ne. Nang ly tamen nai keung Ampo Tameuh i tamen naira y awm nai chanau leaungrei ne. Huni khyh ny y, nang ly tamen naira i yhm dengtheung ra y tapen nai bo. Hini ly khri pa-rei aly len parai veng. Mymy ly nang ai Mymy i peang naira theung i chanau leaungrei lawn thai ai nai, hini awm nai sai kangtha ang pei nai ne.

Tameuh my nang ai deungtasarei hengra ang pei, nanai Baibul my ang napi. Hini ly Tameuh teng y awm nai heng nai sai ne. Huni ly Mymy i phy nga nai theung y khaw jojo nai sai ne. Huni ly Tameuh i awm nai sai phy nga nai bo. Naibaly Areng Isu Krista ai angawm i nai paka pajau y nai py huna nai awm ai nai sa nai ne. Huni ly angthau teang naira ne. Huni i awm nai sai ly vai nang teng y py awm teang nai bo.

"Tameuh my deungtasarei hengra ang pei i, huni hengra ly mymy i Chapo teng y awm, nanai ly pany hai naira ne he. Chapo ai nga nai keung ly hengra py nga teang, Tameuh i Chapo ai ngo y nai keung ly hengra py ngo y leang" (I Johan 5:11-12).

Chapo ai nga nai keung ami py deungtasarei hengra nga bo. Ati mana nai mo nabaly Tameuh i awm nai sai ly Chapo teng y awm tatang nai deaungkho y ne. Nang ly Mymy ai nga nai dengdairei huni hengra nga nai bo.

Nang ai ly mana khala y py tiu pajau y nai sai ly hina nai heng nai sai awm nai deaungkho y ne. Nang ai ly salo mang y ang khai nai veng. Hawihai dawn cham, Tameuh ai ly mana khala y py taphra pajau y leang. Vai nang ly Mymy i phy nga chum nai veng. Nang ai ly mana khala y py taphra pajau y leang bo. Ati mana nai mo nabaly Areng Isu ai deira i pathau teang nai i phailo my ly nang theung y awm hai nai deaungkho y ne (Rom 8:11).

Nang Teng y Tameuh i Hawi Nai Sai Awm

2 Korinth 5:21 ra y ly, "Mymy y ly achi ly Tameuh i hawi naira lawn thai ai nai, kamngo pipi pany y nai ai ly Tameuh my achi deaungkho y kamngo palawn bo"

ang napi.

Naibaly Tameuh ly atitichi ai takhra hai thai, nanai paleung y dawn pasym cham. Mymy ly Areng Isu ai achi i vui y kamngo palawn pi bo. Hunai deaungkho y achi ly Mymy teng y Tameuh i hawi naira mang y ang pahawi nai ne.

Hini ly nang i kamngo molam y Isu my dei pi ai nai ang sa pi nai ne. Huni ly vai nang ly Tameuh i mo y kamngo akau y nai hawi jei ai nai vuilam ny y nai, vam parai naimy angdo pajau bo (Hebrai 10:19; Rom 5:1).

NANG LY HAWI NAIRA Y TYM CHUM NAI KEUNG NE

Naibaly hawi naira y tym, nanai ly ati mo? Huni ly kamngo akau y nai, chai naira y awm nai bo, nanai amthang hai nai veng. Nang ly Tameuh i mo y mana khala y py

Tamang vai y nai, kamngo so y nai keung y awm nai bo. Baibul my ly,

"Hunaibaly ym naira deaungkho y eaung naira nga iy achi ly achi i Areng Isu Krista i saho y Tameuh hawi aly naira nga bo" napi (Rom 5:1). Nang ly hawi naira y tym chum veng bo.

Areng Isu Iy kamngo by y nai keung ne teu i py krawstleaung y dei pi nai neng khala y nang i kamngo i vui pho pi veng bo (1 Petera 2:22). Hunai deaungkho y Tameuhly nang i kamngo ai niu pi y leang bo. Baibul my Iy,

"Huna nai Tameuh my Krista ykhaileaung pri ai ly amymy hawi aly hai nai ne, nichi i taphra nairachi palawn pinaimy, kaichi ai aly naira leu ang au nai bo" ang napi (2 Korinth 5:19).

NANG LY CHAI NAIRA NGA CHUM NAI KEUNG NE

Naibaly nang ly amymy ai tui leaung nai leaunghawi theung y tla jo bo, nanai dawn cham. Nang ly chainem y nai keung lawn vui bo. Hunai khala y khumi leaungrei jeu iy nang ai atleu bo. Huni ly, "huni tui leaung nai leaunghawi ra i nai ang pahawi kalau vui nai sai ne." Huni bo y nang i sa ai nai ly, amymy ai apachai ai nai aly ngai.

Hunai ny y baly, "chai y nairachi ai nang teng i nai aphi vui ai nai" aly awm.

Hunai kamta sa ai nai neng apei iy atho sa tanga ai nai py aly ngai.

1 Korinth 6:11 ra y ly,

"...nangchi ly Areng Isu Krista i amyn y hawi, achi i Tameuh i Phailo y py amju bo, nangchi ai ly pachai bo, nangchi ly eaung naira nga bo"

napi.

Naibaly chai naira nanai sai ly phy nyhrei awm nai ne. Angchei i nai ly Tameuh

my nang ai chainem y naira i nai ang pahawi veng bo. Huni ly nang ly kangtha tapen naira nga nai sai ne. Vai nang ly chai naira nga praw ryp bo, nanai Baibul my amthang hai bo.

Khaileaung pri mang i nai Tameuh mang y ang vawi takhra nai keung lawn nai bo. Huni bo y Tameuh i Leu Meitang saho y chai naira nga nai (kangtha sa palai nai) bo, nanai nangmy kypkyp i paleung y awm baly, nang theung i chai y nairachi ly amju pyn veng nai bo (Rom 12:2).

Nangmy i paleung ai pachai nai sai ly patawm jojo ai tla nai veng. Nang i paleung ly lam kataw harei y parui jojo thai ai nai ang kry nai bo. Huni ly ym naira yatiti niu manme nai sai ne. Vai nang i paleung y kangtha sa palai nai dengdairei.

Tameuh i atitichi niu thai ai nai, nang i paleung katheu paeaung nai sai ne. Tameuh i niu nai kamta cheaungkhangra y niu thai ai nai nangmy i paleung ai atyp ai nai aly ngai.

Huni bo y Tameuh i Leu Meitang mang tapai nai tako ryh iy, Mymy teng i dengdairei nga nai atiti kahawichi ai nga panawi ai mang.

Nang Ai LY Ang Vawi Takhra Veng Bo

"Mymy ly achi ai kaveng aly peang naira i nai ang law hai i, mymy i Chapo tamen parai nai i peang naira y achi ai ang khai vui bo" (Kolosa 1:12-13).

Nang ly Areng Isu Krista teng y a-au nai khala y ly nang ly Tameuh i peang naira theung y awm nai chanau leaungrei lawn nai bo. Thui bi ai nabaly, nang ai ly kaveng yaly peang nai vawinamchi my py ati sai py so hai pajau y leang bo. Nang ly pany iy pypany y teu i py

nang i tlangtleaung y tym nai amsawi ra i nai py alawra nga veng bo.

Nang ai kawmrang nai kamngo, no naira mo, patang naira mo ra i nai py alawra nga veng bo. Ati deaungkho y mo? Huni ly, nang ly kaveng aly peang naira i nai ang vawi takhra veng nai deaungkho y ne. Tameuh ly nang ai kaveng aly peang naira i nai ang vawi takhra veng bo i, Mymy i peang naira theung y ang pakun veng bo, nanai Baibul my ang napi. Nang ly jeihyn bi ai nai vuilam ny y leang bo. Tameuh ly nang i beram typ keungkalen ne i, nang ai ang kry nai mei ly nang i tlang tleaung y awm hai jojo nai deaungkho y ne (Sam 23:1).

Baibul my ly, "Hunaibaly Chapo my nangchi ai miseaung alaw hai baly, nangchi alaw tatang ai" napi (Johan 8:36). Tameuh ly nang ai Mymy i peang naira theung yang vawi takhra veng bo. Huni pri ly vai nang teng y py awm nai bo. Nang lyhunira y phy nga nai keung

ne. Nang ai ly kaveng aly peang naira i nai ang vawi takhra vui bo.

TAMEUH I PHAILO LY NANG THEUNG Y AWM

Naibaly kangtha tapen nai i len parai nai sai harei ly Tameuh i phailo ly nang theung y awm nai veng. Tameuh i phailo ly nang theung y awm nai khala y ly, Tameuh i Leu Meitang my ly nang ai kangvang ang pei i leu meitang molam pany naira kangtha ang pei bo.

Hunai y nang ly Leu Meitang amtiu nai khala y ly, nangmy kypkyp i paleung theung ypany naira kangtha nga nai bo. Huni leu meitang my ly nang i heng nai molam teaungpatawm ai nai ang tym ai mang.

Naibaly Phailo Kachai my sa pi nai sai harei nai ly Tameuh i Leu Meitang dengdairei nang ai pacheang jojo nai ne (Johan 14:26). Hunaibaly Areng Isu Krista i satang kahawi molam hawihai pany hai nai keung y ang tym hai nai sa thai naira nang teng y ang pei naibo. t.

"Na i py Phailo Kachai my nangmychi i tlang tleaung y tym nai khala y nangchi ly sa thai naira nga u ai; hunaibaly Jerusalem y py, Judai pri hawi Samari pri verei y py, khuteng taki y tym pa-rei nangchi ly kai i leu pany hai nai keung lawn ai, napi" (Amtaw 1:8).

ATLYM HAI NAIRACHI NANG TENG Y TYM NAI KHALA...

Nang Ly Ati Amjy Sa Ai Mo?

Naibaly kangtha tapen naimy ly nang ai parawi naira i nai anawn hai ai ny y. Na i py nang ly huni parawi naira teng y au ai nai avo y leang. Achi ly cham naira mo, parawi naira mo avum nai tleirei Tameuh ly achi ai theu ai naira lam ang sapi, nanai Babul my thui pi(1 Korinth 10:13). Hunai deaungkho y atlym hai nairachi, nang i paleung theung y tym nai khala y ly, nang ly anui i leu saichi ai so patawm ba.

(1) Nang Ly Kangtha Tapen Nai Keung Ne, Nanai Pany Ba

Naibaly Setan teng i jeu nai parawi naira ly tlang mang y huni ka-dawnchi tym hai reng nai ne. Vai nang ly kangtha tapen chum nai bo i, huni dawn nai saichi tama vui nai ny y. Achi ly Krista i paleung nga nai keungchi, nanai Baibul leu sai my ang thui pi(1 Korinth 2:16). Vai nang ly kangtha sa palai nai keung ne bo i, amymy ai ami mo nanai pany jo ai nai ne. Tameuh my ly achi ai khumi kangtha y sa palai veng bo, nanai pany jo ai nai aly ngai. Hini kangtha sa palai nai sai ai nang ym ai nai tla nai veng..

(2) Leu Tangai Nai Hawi Patawm Nai

Tameuh i leu tangai ba. Naibaly hawi y naira ka-dawn harei nang teng y tym lawh baly, huni hawi y naira mang y atlym hai ai nai ang parawi ai nai ne. Nang ly huni hawi y naira theung y tym vui pajau nai ne. Na i py huni

hawi y naira my khiu cheng teu i py nangmy ai kangtha tapen nai keung, nanai pany nai khala y ly huni hawi y naira i nai vam parai naimy angthau praw ai nai ne. Tameuh i leu phai tangai ba. Kangtha tapen nai khala y py hawi y naira ka-dawnchi ly nang teng y tym pajau, nanai niu thai bo a? Na i py huni ka-dawnchi ai ly nang teng y meingtym pei ai nai avo y leang. Huni ka-dawnchi ai hi vui ba. Naibaly khumi leaungrei my ang thui pi nai ly, "nang ly nang i lu salo mang angkheang nai tavochi ai paka pajau y teu i py, nang i lu tleaung y tabu sa ai nai molam ly paka pajau ai ngaw khyh" napi.

Nang teng y tym nai hini dawn nai saichi ai paka pajau ai ny y. Ati mana nai mo nabaly hunichi ly angam mang i atitichi ne nai deaungkho y ne. Na i py hunichi ly nang theung y awm jo y ai nai paka pajau nai ne. Nang teng y ly hawi y nairachi ai abyh ai nai pei reng moh. Hunichi my nang ai aly peang ai nai pei reng moh. Nang ly atiti kahawi mang

y dawn nai dengdairei hunichi ai paka pajau ai mang (Philipi 4:8).

Naibaly nang ly mipui mo y angdo iy khulym thui kawp nai mo, amlawm kawp nai khumi, ti rai. Nang ly neampacho ne teu i py neampachy kamta ateaung amthyp iy amlawm ai bo. Na i py nang ly huni amlawm pajau nai bo v ly neampacho ne, nanai ly tami vui ai ny y. Huni bo y nang ly neampachy i ateaung aleng iy neampacho kamta tako teang ai nai ne. Naibaly kalop sa ai nai chei nai khala y py amymy ai neampacho ne, nanai py tami vui ai ny y. Nang ly neampachy kamta amlawm nai neng khala y ly neampachy kamta leu katheu teu i py, nangmy i kalop sa nai meingtym ra y tym teang nai khala y ly mipuichi i mo y amlawm nai ka-tawm awm veangveang ai nai ly amlau v leang bo. Hunai kamta teang, nang ly kangtha tapen y rai khala y ly hawi y naira mang y sa tamang naichi awm pajau. Na i py vai nang ly kangtha, khumi kangtha y phy nga nai bo. Huni kangtha y awm nai sai ly vai nang i tako ai nai lam ne. Nang ly neampachy amlawm reng nai deaungkho y tlen tlenrei ly nangmy ai tami ngym vui nai py awm pajau ai ngaw khyh. Na i py nang ly neampacho kypkyp ne, nanai dawn vau nai khala y ly amymy ai apalum teang ai nai ne. Nang ly phailo mei angvang iy, "Aw... kai ly neampachy ny y pui be, kai ly neampachy amlawm nai khala y naini neampachy kamta awm nai teu ly...kai ly neampacho tatang ne" nanai thui ai nai ne.

Hini ly hawi y naira i nai anawn vui ai nai sai ne. "Khen cham, kai ly kangtha tapen chum nai keung ne. Hini ly kai i awm nai sai tatang ne," nanai thui ba. Nang ly huna nai adawn vau nai khala y ly, hawi y nairachi ai ly anawn praw vui ba. Naibaly nang i hawi y nairachi theung y"Kai ly kangtha tapen chum nai keung ne. Nang, hawi y naira awi, anawn jau," nanai leu

pei ba. Huni hawi y nairachi ai paka ly, huni hawi y naira y vanrei awm ahawi naichi teng y py, "Aw, kai ly kangtha tapen nai keung ne nai deaungkho y hinichi so ali bi y leang bo," nanai ahui ai nai jei kaji reng moh ba. Atiti hawi y nairachi ai hivui iy atiti kahawi mang y paleung apei nai ne sy. Hini kateng lam y hawihai tako ba. Naibaly Tameuh i Leu Meitang hau iy, Tameuh ai dawn ryhryh nai lam y ly patawm jojo naimy, hawihai palai acham nai ne sy

(3) SA KHYP NAI KEUNG LAWN SY. LEU MEITANG AI SO PATAWM KHYP BA.

Achi ai ly Tameuh my leu meitang thai ai nai ryrei aly ngai hai nai khyh ny y. Huni leu meitang ai sa patawm khyp nai keung lawn ai nai aly awm.

> "Na i py amychi ai atapawp iy leu tangai u jo khyh nai ny y i leu patawm nai keung lawn u" (Jakob 1:22).

Nang ly leu meitang ai dawn ryhryh iy, leu meitang patawm nai keung lawn nai khala y ly, nang ly reita leu patawm nai keung mang y ang pahawi ai mang. Huni bo y nang ly huni leu meitang ai dawn ryhryh ai nai ne. Hini ly achi teng y Phailo Kachai my kalop sa hai nai sai harei ne. Areng Isu my ly, "...Phailo Kachai my ly ...kai i nangchi teng y kang thui pi nai ngierei py ang pany hai vau bi ai" napi (Johan 14:26). Naibaly Phailo Kachai ly vai hi y awm hai nai y kawn nai leu kang thui. Naibaly phailo my ly leu meitang pany thai ai nai achi ai ang sabawm nai ne. Hunaibaly nang ly leu meitang ai pany nai khala y ly huni leu meitang ai sa patawm ai nai tla ai. Hini pany nai molam paleung adi adiu nai awm reng moh. Phailo Kachai my ly nang ai pany naira theung y ang pahawi ai mang. Na i py nang i paleung theung y huni leu meitang ang tym hai nai khala y ly, huni phailo i leu tangai ai nai py nang ly angvei rym ai mang.

(4) Kamngo ly nang i tlang tleaung y aly peang pajau y nanai pany ba.

YNang ly ati mo sai sairei pany nai khala y huni molam nangmy pei y baly, nang i tlang tleaung y aly peang pajau y leang; "Kamngo naira my ly nang ai aly peang pajau ai nai ny y leang bo..." (Rom 6:14). Kamngo reita my ly nang ai aly peang pajau y leang. Nang ly reita i anui y awm nai ny y, pahenra anui y awm nai ne i, kamngo i reita ly nang tleaung y tahm asang keh lawh y leang. Hini molam Baibul my ly nang ai ang napi bo.

Tameuh ly nang ai kamngo reita hawi kamngo aly peang naira i nai py ang vawi takhra veng bo; Mymy i peang nai theung y ang palau chum veng nai bo: "...Mymy ly achi ai kaveng aly peang naira i nai ang law hai i, Mymy i Chapo tamen parai nai i peang naira y achi ai ang khai vui bo" (Kolosa 1:11-13).

Hini ly kangtha tapen chum nai bo y nang i awm vai y nai meingtym harei ne. Hini deaungkho y kaveng my ly nang ai aly peang pajau y nai veng. Ati mana nai mo nabaly hunichi ly kamngo reita i peang naira y awm nai ne i, nang naini kamngo reita ai pajau chum nai awm iy, Tameuh i peang naira theung y awm nai deaungkho y ne chy bo. Huni kamngo reita my ly mana khala y py nang ai aly peang pajau y leang bo.

Kolosa 1:13 ra y ly, "Mymy ly achi ai kaveng aly peang naira i nai ang law hai i, mymy i Chapo tamen parai nai i peang naira y achi ai ang khai vui bo"

ang napi. Krista Isu y achi Iy vawi takhra nai keungchi ne. Hini ai Iy achi my amtym chum nai bo (Ephesi 2:5-6). Achi Iy huni nga ai nai atho sa nai ny y, huni ai Iy vaimy amtym ryp nai bo. Achi Iy Tameuh i Ieu meitang ai pany nai sai ai patawm jo iy huni theung y amotheu

ai tla nai veng.

AHAWI KANGNGYMCHI MY NANG AI ...

Paleung Phra Hai Nai Khala y... Nang Ly Mani Amjy Sa Ai Mo?

Vai nang ly kangtha tapen chum nai deaungkho y yhm dengtheung kangtha harei theung y tym nai veng bo. Nang ly yhm dengtheung kangngym hawi ly amtawm y leang bo. Hinira y nang ly ahawi kangngymchi hawi nang i pany reng naichi ai hi vui ai nai ny y. Na i py nang ly hunichi i vui kangvang harei ne sy. Nichi ly kaveng theung y awm jo rai nai ne. Ati mana nai mo nabaly nichi ly Isu Krista ai nichi i paleung theung y ngo y rai nai deaungkho y ne.

Nang ly nichi i vui Tameuh i kangvang ang tym hai nai keung, nanai pany ba. Hunai deaungkho y nang ly nichi ai Areng Isu teng y abang thai ai nai satang kahawi thui pi ba.

Hini ahawi kangngymchi my nang ai atho di hai nai paleung phra hai nai khala y ly, nang ly ati amjy sa ai mo? Kang khym i kani y ly atlym hai naira mang y tym lawh ai i, leu meitang ai cheh iy amichi ai thui tamawn lawh ai, nanai Baibul my ang napi (1 Petera 3:3-4).

Amichi ai cheh iy thui tamawn naichi ly nang ai paleung phra hai ai nai atho sa nai keungchi ne i, awm nai sai kangngym mang y ang pahawi teang hai lawh nai keungchi ne. Na i py nang ly nichi i dawn nai sai ai hi vui iy, nichi i dawn naichi ai tangai pi y naimy hi vui ai nai aly ngai. Nang ly Krista hawi vanrei amkawm naira y khawtyp nai ne sy. Hunichi hawi vanrei "atawm y nai myn pho nai" ai ly daw su veng, Nichi i tau pei naichi, pacheih naichi ai tangai

pi reng moh. Huni tleaung y ly Tameuh hawi mymy i Leu Meitang i vui khawtyp nai ai phai hawihai atyp ba.

Atawm y Nai Myn Pho Nai

Jangni y lie sa nai keungchi ly lie thawn nai neng khala y ly, tawnbawi nyhrei ai savan iy lie thawn u nai ne. Dawn pata cham, keangngo nyhrei mo, si nyhrei mo savan iy lie thawn reng nai ne. Huni tawnbawi nyhrei ly vanrei tako iy naini lie thawn ai nga nai ne. Ati mana nai mo nabaly huni tawnbawi nyhrei ai ly vanrei savan cheng nai deaungkho y ne. Huni tawnbawi nyhrei ly patyp nai mang y adyh naimy asyh iy vanrei tako ahawi nai ne. Naibaly lie thawn nai keung my paryh nai khala y ly huni tawnbawi nyhrei ly savan thleing nai deaungkho y patyp naira mang y tako ai tla nai ne.

Vai ly hini molam y tawnbawichi ly

keaungngochi ne lawh baly, huni ai ly "atawm khyp nai savan nai" nanai pathi ai nai avo ngaw khyh. Na i py harei ly keaungngo ne iy, takhra harei nai ly si ne lawh baly, huni ai ly, "atawm y nai savan nai" napi lawh ai nai ne. (Ati mana nai mo nabaly huni tawnbawi nyhrei ly amjy atawm v nai deaungkho v ne.) Naibalv achi lv amimi hawi mo savan ahawi ai nabaly, huni ly 'atawm khyp nai savan ahawi nai' lawn ai nai tla. Hini ly vanrei sa ahawi naira y Kristian leaung nyhrei ly amkawm iy tako ahawi nai sai ne. Na i pv Kristian leaungrei lv vm v nai. Kristian ny v nai hawi vanrei sa ai nai savan ahawi lawh baly, nini ly atawm y nai savan ahawi nai veng. Hunaibaly Tameuh my, "Ym y nai khumichi hawi ly adyh y nai langvui savan u ahawi reng moh..." napi. (2 Korinth 6:14-16).

Hunai deaungkho y nang hawi khumi takhra, ym y nai khumi, vanrei amkawm iy sa ahawi lawh baly, nangchi ly atawm y nai savan ahawi nai bo. Hini ly atlym naira ne. Tameuh my ly nang ai atawm y nai langvui savan ahawi lawh ai nai aly ngai hai y leang. Na i py ym nai tengtawi langvui savan iy sa ahawi ai nai ly Tameuh i kangai ne. Ym y naichi ly mana khala y py nang i vui ahawi kahawi lawn thai y leang. Ni ly atiti kahawi sa teu i py, ni ly kangtha tapen y ryrei ly, ni ly nang i vui ahawi kahawi lawn ai nai aveng.

Hini ly Tameuh i mo y mui kahawi lawn thai y leang. Ati mana nai mo nabaly, huni ly atawm y nai langvui savan lawh nai deaungkho y ne. Naibaly khumi leaung leaungrei ai nang i niu nai sai ly Tameuh i niu nai sai hawi pata ai nai vuilam ny y leang. Dawn cham, Tameuh my amo Samuela ai, Jesai i chapo theung i nai leaungrei ai Israela samrang lawn ai nai molam Jesai i yhm y pato nai ne (1 Samuela 16:1-3). Naibaly Samuela ly Jesai i chapo Eliaba ai niu nai khala y ly, "Areng i mo y angdo nai hini

khumi ly mymy i vawi pi takhra nai khumi, nanai adawn." Ati mana nai mo nabaly Eliaba ly tlang py len, atho py awm,jeng py asang nai deaungkho y ne.

Na i py Tameuh my ly amo teng y; "Hini khumi i jeng asang nai hawi, mo-cha hawi nai ly khen moh; kai ly khumi kamta chih nai ny y, hunai y kai ly aly ngai y," napi. Mymy ly, "Khumi ly angam mang i awm nai sai khen reng; Kai ly paleung ai khen nai ne," napi. Tameuh ly theung mang i khumi ai naini khen patyp nai ne. Hunai deaungkho y khumi leaungrei ai nang i niu nai ly angam mang i awm nai sai naini khen patyp reng. Huni khumi i leu katheu nai sai y mani amjy khumi mo, nanai dawn reng nai ne. Huni khumi i molam, nang ly hawihai dawn pasym pajau ngaw khyh. Na i py Tameuh ly theung mang i khumi 'paleung' ai khen patyp reng, nanai pany bo a?

Naibaly kangtha tapen y ai keung ami py, ni

i paleung phailo ly Tameuh hawi bomrei awm thai y leang. Tameuh hawi bomrei awm tatang ai nai kateng lam ly kangtha tapen ai nai aly ngai. Hini ly khumi leaungrei i ahawi kahawi keh lawn thai ai nai, angym nai lam harei ne. Kangtha tapen y nai keung ami py ahawi kahawi lawn thai y leang. Ni ly Tameuh i angym naira y apho pajau y leang. Vai nang ly kangtha tapen nai keung leaungrei ne nai deaungkho y nang i paleung ly Tameuh i paleung kangai lawn nai bo. Hunai deaungkho y nang ly amy i kangai mang y mana khala y py tako ai ny y. Hini ly khri pa-rei aly len parai veng.

Naibaly nang i paleung ly Tameuh mang y apei nai ne sy. Hunaibaly Areng my ly nang ai ang khen patyp ai mang. (1 Korinth 10:13).

CHAM NAIRA HAWI RAI NAIRA ...

TYM NAI KHALA Y ATI SA AI MO?

Satang Kahawi Marka 4:1-9 ra y Areng Isu my ti hei nai keung i satang pata pi nai sai thui pi nai ne. Naibaly khumi leaungrei ly ti hei ai nai chei nai khala ly, phyrei tichi ly thaithi tleaung y tla nai kamta ly, phyrei ly lam teng y tla nai py awm nai ne. Phyrei ly kabeng aleng theung y tla i, phyreichi ly khaileaung kahawi ra y tla nai ne. Kadeaung 16-17 ra y Baibul my ly

" Naibaly huna nai kamta khyp teang, thaithi tleaung y hei nai ly hinichi ne he: nichi ly leu thai bo nabaly kawn parai naimy tangai u praw ryp: na i py mymychi kypkyp teng y tangjyn den py ngo y i, tanarei chy awm khyh: hunai bo y ly huni leu deaungkho y patang naira mo, ana naira mo tym baly, nichi ly atlym praw ryp"

He's talking about those who have no root in themselves, and so endure affliction only for a time. He says although such people eagerly accept the Word, when afflictions or persecutions arise for the Word's sake, they're offended. This has happened to several people.

What Jesus is saying here is that there are many people who really don't have a deep love for Him. They're excited about the Word of God because of the promises of eternal life, happiness and answered prayers, but they don't really have a deep love for God. So when persecutions come, they give up. This is sad!

When persecutions and afflictions come, what you ought to do is follow the Word:

(1) TAMEUH I VUI THIU PARAI NAI TAMEN NAIRA NANG TENG Y AWM AI NAI TLA.

Nang ly thiu iy khaw parai nai tamen naira hawi my awm ai nai ly Tameuh i kangai ne. Naibaly tamen naira ly veangryh nai mo, jumryh nai mo awm reng. Mymy i satang ai dawn pasym nai awm iy, Mymy i Leu Meitang tangai naimy, chiu sa nai dengdairei Areng hawi vanrei amkawm ra nai awm baly, Mymy i vui ka-teng

ny y nai tamen naira mang y awmra thai ai mang. Ati mana nai mo nabaly, tamen naira ly apany haira nai hawi vanrei veang hai ryh nai deaungkho y ne. Nang ly Tameuh hawi apany ra nai awm nai dengdairei nang ly Mymy ai tamen ra tamen ra ai nai ne. Nang ly Mymy i leu meitang tangai iy patawm naimy, Mymy

ai tamen ra nai awm iy Mymy ai pany ra nai dengdairei Mymy teng i atiti kahawi amtym ra ai nai ne. Huni khyh ny y, nang ly Mymy i vui tamen naira khawra nai khala y ly, Tameuh i Leu Meitang my ly nang i paleung theung y tangjyn lawn hai ai nai ne. Hunai deaungkho y nang ly mani amjy py avum teu sy; nang ly Tameuh i awm nai sai pany iy, huni atiti avum nai molam Tameuh i leu meitang y patheung praw pajau ai nai ne.

Naibaly Baibul my ly nang i leu katheu nai ly heng hai ai nai hawi dei hai ai nai sa thai naira awm, napi (Leu kacheng 18:20-21). Huni bo y, paleung y kawi palai nai ly labeaung y thui reng, napi (Matthai 12:34-35). Tameuh i Leu Meitang hawi vanrei nang i paleung y kawi palai naimy awm nai khala y ly, atiti py tym teu sy, hunichi bawibawi ai nang ly Tameuh i lam mang dengdairei niu thai ai i, nang i niu nai kamta khyp naimy labeaung y pany hai ai nai

ne. Huni khyh ny y, nang i labeaung y thui nai leu ly tym khyp ai nai ne!

(2) Kiu Pheu iy Apasum Ryp Moh.

Naibaly nang ly rai naira takhra takhra avum nai khala y ly kiu pheu iy apasum ai nai ny y. Kangtha tapen veng nai deaungkho y nang teng y ly rai nairachi, cham naira takhra takhra avum v leang bo, nanai py ny v. Huni molam dawn ai nabaly rai naira mo, khrukhra nairachi mo avum teu i py Tameuh my ly nang ai hunichi theung ra i nai py alaw hai, nanai sai ne. Sam 23:5 ra y ly, "Nang ly kai i vui paleung ka-e bawibawichi i mo v sabawi sawn pi rym bo," nanai Baibul my ang thui pi nai kamta, nang ly paleung ka-echi i mo y awm teu i py nichi my ly nang ai tiu pajau y leang. Ana patang nairachi my py nang ai taphra pajau y leang.

Nang ly kiu pheu iy apasum ryp ai nai ly Tameuh i kangai ny y leang. Nang ly khawtyp naimy angdo ai tla nai veng. Naibaly rai naira mana tanrei py tym teu sy, mana khala y py apasum reng moh. Atho di reng moh. Tameuh my ly nang ai sabawm iy amtheaung hai ai mang. Tameuh teng y ka-ym awm nai ne sy. Hunaibaly Tameuh my ly nang ai paleung atho di hai y nai kamta, nang ai khai su y leang mang. Ati mana nai mo nabaly, hunichi ai ly nang i kheu padawi anui y khai chum nai veng. Isaia 43:2 ra y ly,

"Nangchi ly tui thiu mang y tapai nai khala y, kai ly nangchi hawi vanrei awm ai. Nangchi ly mai theung y aleaung nai khala y, mai my kang ai ny y"napi. Nang ly Isu teng y abang nai khala y ly, nang i paleung verei hawi Mymy teng y a-au iy cham nairachi ai dawndan y naimy abang phai abang ba. "Na i py achi i Areng Isu Krista i saho y pajau

naira ang pei nai keung Tameuh teng y ly kawn nai leu tym sy. Hunai deaung-kho y kai i amjo amnau ngai parai naichi awi, khaw parai pa-rei, amchyh lei y pa-rei my Areng i kalop y ly sa ra sa ra jojo ai nai awm u; nangchi i sa akawm nai ly Areng y ly jawm sum vai y, nanai nangchi pany" (1 Korinth 15:57-58).

"Tameuh i tapen nai ly khaileaung pri ai pajau jojo veng, khaileaung pri y pajau iy eaung naira ly achi i ym naira ne" (1 Johan 5:4).

Areng Isu Krista i saho y pajau thai ai nai achi teng y Tameuh my ang pei nai sai nang niu bo a? 1 Johan 5:4 ra y hawihai phain iy amtiu ba. Huni ly khaileaung pri y pajau nai sai ang thui pi nai ne. Huni ly achi i ym naira ne. Ym naira y heng nai ne sy. Nang ly pajau nai keung leaungrei ne. Nang ly sum nai keung ny y. nang

ly pajau nai keung y tapen nai veng. Ati mana nai mo nabaly nang ly Tameuh i saho y tapen nai ne i, Tameuh i chapo chaniu leaungrei py ne teang. Tameuh i Phailo saho y tapen nai deaungkho y ne.

NANG HAWI PHAILO KACHAI

"Kangtha tapen ai nai i vui ly Tameuh i Phailo saho y naini tapen pajau ai khyh" (1 Korinth 12:13; Johan 3:5-8). Naibaly Phailo Kachai my ly nang i heng nai molam angym hai nai theung y ang pahawi chum veng nai deaungkho y huni phailo ly ami mo nanai, nang pany ai nai tla. Huni khyh ny y rai, nang teng y ang sa pi nai Phailo ai py pany iy labeaung y ahui ai nai tla ai. Nang i vui Mymy ang sa pi rym nai sai ai py pany ai nai tla ai. Hunai dengdairei

Krista Isu y awm yb nai angym naira amtym naimy amotheu ai i, Mymy i saho y nang i vui sa pi rym nai angym naira (2 Korinth 12:8-10) hawi, sa thai naira (Luka 24:49; Amtaw 1:4-8) chi ai amtym ryp ai nai ne.

PHAILO KACHAI Ly AMI MO?

Baibul cha-iu theung y Phailo Kachai i satang thui pi nai sai achi phain u nai ne.

- -Naibaly Leu Maikawm Kangngym cha-iu theung y phailo i saho y sa thai naira hawi atiti sa naichi ai achi niu pajau nai ne. (Tara chih 14:6, 19).
- Naibaly Leu Maikawm Kangtha cha-iu theung y ly Areng Isu i tapen nai, satang kahawi kalop sa nai hawi, atiti sa naichi ra y py Phailo Kachai i sa nai saichi niu pajau nai ne (Luka 4:18).
- Naibaly Areng Isu teng y abangnaichi i atiti sa naira y Phailo Kachai i sa hai nai sai tajiu naichi ai Amtaw 2:1-4 ra y niu pajau nai

- ne. Mymy ly Tameuh ne. Tameuh Mymy kypkyp ne i thomrei ra i nai pa-thom i nai ne (Johan 14:16-15; Johan 15:26).
- Huni Phailo ly kani khaileaung by y rai khala y my awm yb nai bo (Atiti awm angchei nai 1:2).
- Huni Phailo ly Tameuh i sa thai nai sai amteng hai nai Phailo ne. Dawn bi ai nabaly, Mymy ly Ampo Tameuh i leu cheaungkhang ai angym hai nai Tameuh i phy harei ne (Atiti awm angchei nai 1).
- Hunaibaly Mymy ly tamen naira i sa thai naira hawi, hawi naira paleung awm nai Phailo py ne (2 Timothei 1:7).
- Mymy ly alaw hai nai Phailo ne (2 Korinth 1:17).

PHAILO KACHAI NY Y NAI LY MANI AMIY MO??

Phailo Kachai ly ham naira, ali, asi tui,

buhuchi ka-tawm ny y, nanai pany ba. Naibaly Leu Meitang theung y hunichi ai pata teu i py hunichi ly Phailo Kachai ny y leang. Mymy ly labeaung y thui hai teu i py "labeaung palai" ny y leang. Mymy ly Tameuh i sa thai naira ai achi teng y ang syn pi teu i py "sa thai" naira ny y leang. Mymy ly jei nai awm bi ai nai miseaung y lawn ai nai phailo ny y leang (Rom 8:15). Hunai tleaung y ly, ni ly alaw hai nai Phailo ne (2 Korinth 3:17).

Achi Ly Ati Deaungkho y Phailo Kachai Aly Ngai Nai Mo?

Phailo Kachai ly achi ai Tameuh i sa thai naira ang pei nai ne (Amtaw 1:8). Naibaly "sa thai naira" nanai ai Krik leu y ly 'Duramisi' napi i, huni ly "atiti takhra hai thai nai sa thai naira" nanai sai ne. Phailo Kachai ly achi teng y ang tym nai khala y ly, Ni ly achi i awm nai saichi ai takhra hai thai ai nai, sa thai naira ang pei nai ne.

- Mymy ly Satang Kahawi thui vam ai nai py achi teng y ang pei (Matthai 28:18-20; Marka 16:15-18).
- Mymy ly achi ai lam ang patei nai ne (Johan 16:13; Rom 8:14).
- Mymy ly achi ai awm hai nem nai ne (Johan 14:18; Amtaw 9:31).
- Mymy ly achi ai ati cheaungkhang patiu pi nai ne (Johan 14:26; 1 Korinth 2:11-21).
- Mymy ly achi hawi vanrei awm hai i achi i kani tleirei awm naira y py awm hai nai ne (Johan 14:17).
- Achi ly Tameuh i chapo chanauchi ne nai deaungkho y Krista y awm nai Mymy i nang nairachi hawi vanrei phy nga nai keungchi, nanai achi i phailo hawi vanrei pany hai bo (Rom 8:16; Ephesi 1:13-14).
- Tameuh teng y jawm naimy ahi hawi ai nai achi teng y ang pei nai ne (Rom 8:15; 2 Korinth 3:17; 2 Timothei 21:7).

Nang Ly Phailo Kachai Hawi Vanrei Amtawm Pajau.

Johan 14:17 ra y Areng Isu my,

"Huni ly Leu Meitang Phailo ne: Khaileaung prichi ly mymy ai niu y nai hawi pany y nai deaungkho y ngo thai y; nangchi ly ni ai pany, ni ly nangchi teng y awm jo i, nangchi i paleung theung y py awm ai,"

napi.

Huni Phailo hawi amkawm thai ai nai i vui Mymy i mo y hawi Mymy i satang kahawi kalop sa nai sai nang pany ai nai tla. Hunai y nang ly Mymy i mo y neng apei ai nai tla ai. Mymy ai ahawi kahawi leaungrei kamta nang ly hawihai pany ai nai tla ai. Naibaly chiu sa nai hawi leu meitang amtiu nai hawi, tangai iy Phailo Kachai hawi amtawm naimy neng apei nai dengdairei

huni amkawm naira nga ai mang.

Nang ly kangtha tapen nai khala y ly, nang ly Tameuh i Phailo theung y baptisma nga nai bo. Baptisma nga, nanai ly hawihai palai naimy tui y 'yh' nai sai ne. Dawn pata ai nabaly, nang ly robai buleung harei la iy huni ai ly tui deung theung v 'vh' jo naj kamta atawm naj ne. Nang ly kangtha tapen nai khala y ly hunai kamta atawm nai ne. Nang ly 'buleung' kamta Phailo Kachai theung y amdeung jo nai veng. Na i py buleung ai tui my kawi nai hawi, huni buleung theung y tui pakawi nai sai ly atawm y, nanai pany ai nai tla. Naibaly buleung theung y tui kun thai ai nai ly kho harei awm ai nai tla. Hunai kamta teang, nang ly kangtha tapen nai khala y ly, nang ly Phailo Kachai ai nang i theung mang y nga iy naini, Phailo Kachai hawi vanrei kawi angym naira nga ai nai ne.

Huni bo y ly, Phailo Kachai kawi nai sai ly tlenrei nga nai khyh ny y naimy, kani tleirei avaw y pa-rei my nga jojo nai sai ne. (Ephesi 5:18). Hini ly Mymy i mo y nang i apei nai sai hawi nang teng y Mymy i kalop sa nai sai hawi amtawm hai nai ne. Nang ly palo nai hawi, chiu sa nai hawi, leu meitang amtiu nai hawi Mymy i lam patei nai hawi vanrei pacheih naichi ai patawm jojo nai dengdairei phailo hawi amkawm naira y veangryh ai i, Phailo Kachai kawi naimy awm pajau ai nai ne. Huna nai dengdairei nang ly Tameuh i Phailo my ang pahawi nai sai nga ai nai ne.

Leu Athai y Nai Thui Nai Sai

Kaimy kang thui pi reng nai kamta, Phailo Kachai ly Tameuh i chapo chanauchi teng y leu athai y nai thui thai ai nai ang pei nai ne. Ym naichi teng y kaimy i amyn y leu kangtha y katheu ai, ang napi nai ne (Marka 16:17).

Hini ly mymy i phailo dengdairei Tameuh teng y amtawm thai nai phailo mang i ham nai sai ne. Huni ai ly Phailo Kachai i saho y nang teng y jawm naimy ang pei nai ne. Tlen tlenrei ly leu athai y nai thui nai ai, "Phailo y chiu sa nai" napi. Achi ly leu athai y nai hawi chiu sa nai khala y ly Tameuh teng y amtawm praw nai ne i, (1 Korinth 12:4); achi i paleung phailo ly khaw hai nai hawi, angdo hai nai ne (Juda 20). Achi i phailochi ly atho kangtha nga nai, ham hai teang naira nga nai ne (Isaia 40:3).

Naibaly nang ly Phailo Kachai nga chum nai dengdairei mani neng khala y py ne sy; leu athai y nai thui pajau nai ne. Mymy ly nang i dengdairei thui y teu i py thui pajau ai nai ham naira ly nang teng y ang pei nai veng. Hunai deaungkho y nang ly huna nai thui veangveang pajau ai i, nangmy i ngai nai neng khala y Tameuh teng y thui pajau ai mang.

Naibaly nang ly leu athai y nai thui nai khala y ly, thui patawm veangveang nai deaungkho y huni leu thui naira y kawp ryh kawp ryh ai mang. Huni ly leu katheu amtiu angchei nai deaungdicho kamta atawm teang nai ne. Huni deaungdicho ly leu katheu amtiu veangveang nai khala v ly, kawp ryh kawp ryh iy hawihai palai naimy leu katheu thai nai ne. Hini ly leu athai y nai thui nai py atawm teang nai ne. Huni ly leu kangtha harei ne i, huni leu katheu ai nai acham lyhlyh ai nai aly ngai y teu i py, huni ai avawrei thui nai dengdairei nang ly kawp ra ai nai ne. Huna nai leu athai y nai ai avawrei thui nai khala y ly, nang i phailo mang y veang hai ryh ai i, Tameuh i phailo jawm naimy nga nai hawi amteng hai nai theung y nang ai ang pahawi ai mang.

Nang Ly Achura Yhm Y Chei Ai Nai Avo A?

Matthai 16:18 ra y Areng Isu my, Mymy i Palau Takhra Kamakwm satang ang thui pi nai ne. Huni Iy khaileaung pri y awm nai Mymy i tlang hawi pata pi nai ne (1 Korinth 12:5-14).

> "Tlang ly bomrei khyh, naibaly kangprei neangneang awm; naibaly tlang i kangpreichi bawibawi ly nawi iy py tlang ly bomrei khyh; Krista py hunai kamta ne teang. Achi bawibawi ly Judachi mo,

Krikchi mo, miseaung mo, miseaung ny y nai mo, tlang bomrei y awm ai nai achi ly Phailo harei y baptisma nga bawibawi i, Phailo harei y ang nei bawibawi teang" (1 Korinth 12:12-14)

Achi ly tlang ne i, Krista ly lu ne. (Kangtha tapen nai keung) Kristianchi ly Mymy i tlang kangpreichi ne i, tlang kangprei ha-hareichi ne (1 Korinth 12:27). Hunaibaly atawm y nai khumi i tlang kangpreichi ly amy kavui ly angto thai y nai kamta, takhra akyhkyh nai Krista i tlang kangpreichi py mychi tlairei ly hawihai angto thai y leang. Huni ly Tameuh my Palau Takhra Kamkawm theung y palau naira y ang pei nai takhra akyhkyh nai langseaung ne. Hunai dengdairei ly Palau Takhra Kamkawm verei atiti kahawi nga ai nai sai ne (1 Korinth 12:18-24; Ephesi 4:11-12).

Hunai deaungkho y Palau Takhra Kamkawm theung y abawi nai ly Tameuh i kangai sa nai veng. Huna nai dengdairei py ka-ma-rachi, no hawi sa naichi, amo leuchi ka-tawm ly...; Tameuh i jawm naimy ang pei nai takhra akyhkyh nai hawi, leaung leaungrei akhaw hai thai ai nai, achi ai ham hai nai ne. Nang ly Leu Meitang i atiti patiu nai hawi pany hai nai kama-rachi ai hawihai pany ra ai mang. Tameuh teng y vanrei chiu sa nai hawi chiu naichi ly Phailo Kachai i "rimui paju naira" nga nai sai ne. Huni Phailo my ly ka-teng ny y na pa-rei sa hai akyhkyh i, Palau Takhra Kamkawm leaung leaungrei teng y satang kahawi kalop sa hai nai ne (Hebrai 10:25; Amtaw 1:14; Sam 133:1-2).

Nang ly "Phailo kawi nai "Kamkawm theung y tym y rai khala y ly, leu meitang theung y amymy ai tako nai ly, akhang mang y lyn kalau nai kamta khri pa-rei akawm ai ngaw khyh. Na i py huni Palau Takhra Kamkawm theung y a-au nai khala y ly, Palau Takhra Kamkawm satang hawi, huni i veang ryh nai sai nang, avum ai mang. Nang ly nang i paleung (theung mang i khumi) ai veang hai ryh nai mang y khaw ryh ai nai ne. Naibaly

Palau Takhra Kamkawm ra y abawi nai ly leu meitang theung y tako ryh thai ai nai lam ne i, atiti kahawi peung hai dudu nai ne.

Nang ly Kristian leaungrei ne baly, nang i awm nai meingtym ra i Palau Takhra Kamkawm hawi amtawm iy angto ai nai tla. Huni kamkawm i atiti sa naira y abawi pajau ai nai tla. Huna ny y baly, nang ly Tameuh teng i amtheaung naira neangneangra i nai py amphri iy atlym vui lawh ai nai ne.

Vai nang ly kangtha tapen nai keung ne nai deaungkho y nang ly amymy ai ami mo nanai, pany naira theung y heng-yh naimy tako nai keung ne sy

VEANGRYH NAI SAI

Nang ly Tameuh i Leu Meitang thai iy tangai nai keung lawn bo i, ym naira ly nang teng y ang tym bo, nanai Baibul my ang napi. Anui i leu saichi ai, nang i phailo mang y veangryh thai ai nai kang patei pi ai nai ngai. Nang i paleung theung y ym naira y atiti sa naimy atiti athai kahawi peung hai iy amteng hai thai ai nai, hini satangchi ai ka-thuirei tajiu pi nai ne. Vaini my nga praw ryp iy, nang i awm nai sai takhra hai thai ai nai niu rym nai ne sy.

- Vai nang ly kangtha tapen nai keung ne (VCD)
- 2. Kristian reita satang thui pachai nai (VCD)
 - 3. Leu Meitang y veangryh nai sai (VCD)
- 4. Khaw Hai Nai Mang y Veangryh Nai(VCD)
 - 5. Nang i paleung ai palum nai(VCD)
 - 6. Phailo Kachai Kawi Nai(VCD)
- 7. Leu Meitang Theung i Eaung Naira(VCD)
 - 8. Kangtha tapen nai sai(VCD)

To contact the author write: Pastor Chris Oyakhilome:

United Kingdom:

Unit C2, Thamesview Business Centre Barlow Way, Rainham, RM13 8BT Tel.: +44 (0)1708 556 604

South Africa:

303 Pretoria Avenue Cnr. Harley and Bram Fischer, Randburg, Gauteng, South Africa. Tel:+27-11-326 0971, +27-11-326 0972

Nigeria:

Christ Embassy Plot 97, Durumi District, Abuja, Nigeria.

Nigeria:

Plot 22/23 Billings Way, Oregun, Ikeja, Lagos. Tel: +234-802 478 9893, +234-1 888 3434

Please include your testimony or help received from this book when you write. Your prayer requests are also welcome.

OTHER BOOKS BY PASTOR CHRIS OYAKHILOME

- q PROPHECY: UNDERSTANDING THE POWER THAT CONTROLS YOUR FUTURE
- **q HOW TO MAKE YOUR FAITH WORK**
- q PRAYING THE RIGHT WAY
- **THE POWER OF TONGUES**
- q THE GATES OF ZION
- **q JOIN THIS CHARIOT**
- q DON'T STOP HERE!
- q 7 THINGS THE HOLY SPIRIT WILL DO IN YOU
- q 7 THINGS THE HOLY SPIRIT WILL DO FOR YOU
- q WHEN GOD VISITS YOU
- **q HOW TO RECEIVE A MIRACLE AND RETAIN IT**
- **q NOW THAT YOU ARE BORN AGAIN**
- **q THE HOLY SPIRIT AND YOU**
- **q NONE OF THESE DISEASES**
- q THE OIL AND THE MANTLE
- q YOUR RIGHTS IN CHRIST
- **q KEEPING YOUR HEALING**
- q THE PROMISED LAND
- ${f q}$ RECREATING YOUR WORLD
- \boldsymbol{q} RHAPSODY OF REALITIES DAILY DEVOTIONAL
- ${\bf q}$ RHAPSODY OF REALITIES TOPICAL COMPENDIUM (VOL 1, 2, 3, 4 & 5)
- q HEALING FROM HEAVEN (VOL 1, 2 & 3)
- q HOW TO PRAY EFFECTIVELY (VOL 1)
- q THE POWER OF YOUR MIND



Chris Oyakhilome, D.Sc., D.D., is the President of LoveWorld Inc., a dynamic, multifaceted, global ministry. As a pastor, teacher, healing minister, television host, and best-selling author, Pastor Chris has a passion to reach the peoples of the world with God's presence—a divine commission he's fulfilled for more than 30 years and helped millions experience a victorious and purposeful life in God's Word.

He's a prolific writer, the author of "Rhapsody of Realities," the world's #1 daily devotional, distributed monthly around the world in over 3,700 languages, in 242 countries. He has also authored more than 30 other books.

Pastor Chris is the pioneer of an online prayer network (@PastorChrisLive on KingsChat) where Christians the world over are mobilized for prayer and intercession, and the host of "Atmosphere for Miracles," a programme that brings God's divine presence right into your home. The scope of his television ministry extends throughout the world with LoveWorld satellite television networks delivering qualitative Christian programming to a global audience.

The world-renowned Healing School is a ministry of Pastor Christhat manifests the healing works of Jesus Christ, and has helped many receive healing through the operation of the gifts of the Spirit.





